

Tusagassiorfinnut tapiissuteqartarnej pillugu Inatsisartut inatsisaata allannngortinnissaa pillugu Inatsisartut inatsisissaattut siunnersuut

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappassaaneerinnineq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq, isumaliutissiissusiornerminut atatillugu peqqissaartumik suliaqarsimanera pillugu Naalakkersuisut sinnerlugit qutsavigerusuppara.

Siunnersuutaasup akuersissutigineqarnissaanik Ataatsimiititaliaq isumaqatigiittoq inassuteqaateqartoq Naalakkersuisunit iluarisimaarlugu maluginiarparput.

Ataatsimiititaliap tusagassiuteqarnej pillugu nassuiaammik suliaqartoqarnissaanik kaammattuuteqarneranut atatillugu, tusagassiuteqarnej ataatsimut isigalugu suliaqartoqarnissaa pineqartoq Naalakkersuisunit naatsorsuutigineqarpoq, taamaattumik tusagassiutit naqitat imaluunniit allagaasut kisimik uani pineqanngitsut, tak. Inatsisartut tusagassiutinut tapiissuteqartarnej pillugu inatsisaat, kisiannili radio aamma tv ilanngullugit soorlu aamma 2010-mi taama pisoqartoq.

Naalakkersuisunit tamatumunnga atatillugu kaammattuut tusaatissatut tigujumavarput, tamatumunngalu periarfissat suujumaarnersut aamma misissorumallugit.

Taamatut naatsunik oqaaseqarluta Naalakkersuisunit inassuteqaatigissavarput, siunnersuutaasup akuersissutigineqarnissaa sinnertaralugu pingajussaanerinnissamat ingerlateqqinneqassasoq.